

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

GIZARTE ONGIZATERAKO FORU ERAKUNDEA

Ebazpena, Gizarte Ongizaterako Foru Erakunde Autonomoaren Kudeaketako Zuzendaritzarena, maiatzaren 20ko 80/2021 foru aginduaren 6.2 artikulua garatzen duena

Gizarte Ongizaterako Foru Erakundearen aldi baterako enplegu-poltsen kudeaketari buruzko araudia onartzen duen maiatzaren 20ko 80/2021 Foru Aginduaren 6.2 artikulua ezartzen du (ALHAO, 59. zenbakia, 2021eko maiatzaren 31koa):

“Aldi baterako lan-poltsa subsidiarioak honela handitu ahal izango dira:

(...)

Gizarte Ongizaterako Foru Erakundeko karrerako funtzionarioak ez diren pertsonak lan-poltsa subsidiarioetan sartzeko eskaera. Eskaera hori araudi honetako 4.2 puntuan ezarritakoaren arabera egingo da.

Poltsa subsidiarioak handitzeko sistema horren barruan, bi modalitate ezartzen dira:

- Beti irekita dauden poltsak.
- Unean uneko irekierak dituzten poltsak zabaldu ahal izateko.

Hauek dira beti irekita dauden poltsak: Egoitzako medikua, mediku psikiatra, enpresako medikua, mediku errehabilitatzailea eta erizaina.

Gizarte Ongizaterako Foru Erakundeko Kudeaketako Zuzendaritzak, sindikatuetak ordezkariekin alde aurretik jakinarazita, poltsa subsidiario berriak sartu ahal izango ditu sistema horretan, egokitzen jotzen duenean”

Horrela, poltsa subsidiarioak etengabe irekita dauden poltsen bidez handitzeko sistemari dagokionez, egiaztatu da poltsa subsidiario berriak sartu behar direla zerbitzuak emateko xedez (erizaintzako laguntzailea, sukaldeko laguntzailea eta sukaldaria). Hori dela eta, sindikatuetak ordezkariekin nahitaezko komunikazioa egin ondoren, bidezkoa da ebazpen honen bidez sartzea.

Era berean, 6.2 artikulua honako hau adierazten du:

“Lan-poltsa subsidiarioetan sartzeko, dagokion ebazpena hiru hilean behin (...) argitaratuko da. Eskabide bakoitzean pertsona guztiak sartuko dira, eskabideak aurkeztu diren ordenaren arabera ordenatuta”

Ilido horretan, lan-poltsa subsidiarioen zabaltze horri dagokionez erizain laguntzaileen, sukalde laguntzaileen eta sukaldarien, hala nola, mediku eta erizainena ere, beharrezkoa da zehaztea zer kolektibo sar daitekeen laneratze bakoitzean.

Gizarte Ongizaterako Foru Erakunde autonomoaren Egitura eta Jarduera Araudia onartzen duen apirilaren 3ko Diputatuen Kontseiluaren 25/2012 Foru Dekretuaren 10. eta 12. artikuluetan oinarrituta, eta Gizarte Ongizaterako Foru Erakundearen aldi baterako enplegu-poltsen kudeaketari buruzko araudia onartzen duen maiatzaren 20ko 80/2021 Foru Aginduaren 4. eta 6. artikuluetan xedatutakoarekin lotuta,

EBAZTEN DUT

Lehenengoa. Gizarte Ongizaterako Foru Erakundearen aldi baterako enplegu-poltsen kudeaketari buruzko araudia onartzen duen maiatzaren 20ko 80/2021 Foru Aginduaren 6.2 artikuluekin bat etorritik, eta sindikatuetak ordezkariekin nahitaezko komunikazioa egin ondoren, poltsa subsidiario hauek etengabe irekita dauden poltsak handitzeko sisteman sartzea erabaki da:

- Erizain laguntzailea.

- Sukaldari laguntzailea.
- Sukaldaria.

Bigarrena. 2022ko urtarrilaren 20az geroztik Gizarte Ongizaterako Foru Erakundearen Enplegu Publikoaren Atarian gaituta dagoen mediku eta erizainen poltsa iraunkorrak handitzeari dagokionez, lan-poltsa subsidiarioan sartzen diren hurrengo lan-poltsetan sartuko dira aurkeztutako eskabideak, 2022ko urtarrilaren 20tik 2022ko apirilaren 19ra bitartean parte hartzeko baldintzak betetzen dituztenak, eta horrela hurrenez hurren (apirilaren 20tik uztailaren 19ra, uztailaren 20tik urriaren 19ra, urriaren 20tik urtarrilaren 19ra).

Hirugarrena. Lan-poltsa subsidiarioak handitzeari dagokionez, erizain laguntzaileen, sukalde laguntzaileen eta sukaldariena, aurkeztutako eskabideak sartuko dira lan-poltsa subsidiarioan, parte hartzeko baldintzei egokituta, ebazpen hau ALHAOn argitaratu eta biharamunetik 3 hilabete bete arte, aurreko atalean mediku eta erizainen lan-poltsari buruz azaldutako irizpide berberarekin.

Laugarrena. Dagokion lan-poltsa subsidiarioan sartzeko data haren behin betiko osaera onartzen duen ebazpenean zehaztuko da.

Bosgarrena. Kasu guztietan, Gizarte Ongizaterako Foru Erakundearen indarreko Lanpostuen Zerrendan kategoria bakoitzerako finkatutakoa izango da dagokion titulazio gaitzailearen baldintza.

Seigarrena. Ebazpen honen aurka, administrazioarekiko auzi errekurtsua jarri ahal izango da, ALHAOn argitaratzen den egunaren biharamunetik hasi eta bi hilabeteko epean, Vitoria-Gasteizko Administrazioarekiko auzi errekurtsuotarako Epaitegiaren aurrean, edo, bestela, hilabeteko epean, berraztertze errekurtsua, ebazpen hori eman duen erakunde beraren aurrean; hori guztia, Administrazioarekiko Auzibideen Jurisdikzioa arautzen duen uztailaren 13ko 29/1998 Legearen 46.1 artikuluan aurreikusitakoaren arabera, Administrazio Publikoen Administrazio Prozedura Erkidearen urriaren 1eko 39/2015 Legearen 123. artikularekin lotuta.

Vitoria-Gasteiz, 2022ko martxoaren 2a

Gizarte Ongizaterako Foru Erakundearen zuzendari-kudeatzailea
JOSÉ FRANCISCO ANTÓN IDRÓQUILIS